



ვინც მოიტანს ცრუ ფიცს (აღლაჰის სახელით), რათა ამ გზით მიითვისოს მუსლიმის ქონება, ის აღლაჰს შეხვდება ისე, რომ აღლაჰი გაბრაზებული იქნება მასზე

გადმოცემულია აბდულლაჰ იბნ მას'უდისგან (აღლაჰი იყოს მისგან კმაყოფილი) რომელმაც თქვა: შუამავალმა (აღლაჰის ღოცვა და მშვიდობა მას) თქვა: «ვინც მოიტანს ცრუ ფიცს (აღლაჰის სახელით), რათა ამ გზით მიითვისოს მუსლიმის ქონება, ის აღლაჰს შეხვდება ისე, რომ აღლაჰი გაბრაზებული იქნება მასზე». ალ-ამ'ასმა თქვა: "ვფიცავ აღლაჰს, სწორედ მე გავხდი მიზეზი, რომ ამ თემაზე აიათი გარდმოველინა. მე და ერთ იუდეველს მიწის ნაკვეთის გამო დავა გვქონდა. ის უარყოფდა ჩემს უფლებას ამ მიწაზე, და მე მივედი მასთან ერთად მოციქულთან (აღლაჰის ღოცვა და მშვიდობა მას). მოციქულმა (აღლაჰის ღოცვა და მშვიდობა მას) მკითხა: "გაქვს რაიმე მტკიცებულება?" ვუპასუხე: "არა". მაშინ მან უთხრა იუდეველს: "დადე ფიცი". მე შევწინააღმდეგე: "ო, აღლაჰის შუამავალო! ის ხომ ახლა დადებს ფიცს და მიითვისებს ჩემს ქონებას!" მაშინ უბენაესმა აღლაჰმა გარდმოავლინა აიათი: "ჭეშმარიტად, ვინც ყიდის აღლაჰთან დადებულ აღთქმას და დადებულ ფიცს (არღვევს) მცირე საფასურად, წილი არ ექნებათ საიქიოში, არ დაელაპარაკება მათ აღლაჰი და არ შეხედავს მათ განკითხვის დღეს, და არ განწმენდს. და მათთვისაა მტანჯველი სასჯელი!" (ალი იმრან: 77)».

[სანდო (საჰიბ)] [შეთანხმებული]

მოციქულმა (აღლაჰის ღოცვა და მშვიდობა მას) გააფრთხილა იმის შესახებ, რომ არ შეიძლება აღლაჰის სახელით ფიცი, თუ ადამიანი შეგნებულად ცრუობს, რათა სხვისი ქონება მიითვისოს. ასეთი ადამიანი წარდგება აღლაჰის წინაშე იმ მდგომარეობაში, როცა აღლაჰი განრისხებულია მის მიმართ. ამ'ას იბნ ყაისმა (აღლაჰი იყოს მისით კმაყოფილი) გადმოსცა, რომ მოციქულმა (აღლაჰის ღოცვა და მშვიდობა მას) ეს სიტყვები მაშინ თქვა, როცა მას და ერთ ებრაელს შორის კამათი მოხდა მიწის მფლობელობაზე. ისინი მივიდნენ მოციქულთან (აღლაჰის ღოცვა და მშვიდობა მას) საქმის გადაწყვეტისათვის, და მოციქულმა უთხრა ამ'ასს: შენ უნდა წარადგინო მტკიცებულება რათა დაამტკიცო, რასაც ითხოვ, თუ მტკიცებულების წარდგენა არ შეგიძლია, მაშინ შენ მხოლოდ შენი მოწინააღმდეგის ფიცს ფლობ, ამ'ასმა თქვა: ო აღლაჰის შუამავალო, ებრაელი კაცი თუ დაიფიცებს მას არ მოერიდება არაფრის და წაიღებს ჩემს ქონებას, უბენაესმა აღლაჰმა კი ამის დასტურად გარდმოავლინა წმინდა ყურანში თავისი სიტყვები: {ჭეშმარიტად რომლებიც ყიდიან} ცვლიან {აღლაჰთან დადებულ პირობას} მისი დარიგებაა მორწმუნეებს აღებული ამანათის უკან დაბრუნება {და თავიანთ ფიცს} მათ დადებულ ფიცს ტყუილზე {მცირე ფასად} ამქვეყნიური რამის ფასად {მაგათ არ ექნებათ წილი იმქვეყნად} არ ექნებათ წილი, {და არ დაელაპარაკება მათ აღლაჰი} სიტყვებით, რომელიც მათ გაახარებს და სარგებელს მოუტანს, პირიქით გაბრაზდება მათზე, {და არ შეხედავს მათ განკითხვის დღეს}, წყალობის და ღმობიერების შეხედვით, {და არ განწმენდს მათ} კარგი შექებით, და არ განწმენდს მათ

თავიანთი ბინძური ცოდვებისგან მიტევებით, {მათთვისაა მტკიცნეული სასჯელი} მტანჯველი სასჯელი იმის გამო, რაც ჩაიდინეს.

<https://sunnah.global/hadeeth/ka/show/2980>

النجاة الخيرية
ALNAJAT CHARITY

